

FINANTZA KONTU, ERAGIKETA ETA AKTIBOEN BERRI ETA ATZERRIAN DIREN ONDASUN ETA ESKUBIDEEN BERRI EMAN BEHARRAREN ARAUDIA

111/2008 Foru Dekretua, abenduaren 23koa, finantza kontu, eragiketa eta aktiboen berri eman beharra arautzen duena, bai eta atzerrian diren ondasun eta eskubideena ere. [\(4\)](#)

(ALHAO, 150. zk., 08-12-31koa)

Maiatzaren 18ko 68/1999 Foru Dekretuaren bidez hainbat xedapenetan ezarritako informazio betebeharrak garatzen dira berriazko sektoreei dagokienez.

Une honetan egoki iritzi da araudia ezartzea Zerga Administrazioari kontuei, eragiketei eta aktibo finantzarioei buruzko informazioa, lehentasunezko partaidetza duten eragiketa jakin batzuei buruzko betebeharrari buruzkoa eta beste zor baliabide batzuei buruzkoa, eta Europar Batasuneko kide diren beste estatu batzuetan bizi diren pertsona fisikoek eskuratutako errenta jakin batzuei buruzko informazioa eman beharren inguruan.

Halaber, beste informazio betebehar batzuk erantsi dira, esate baterako: erakundeak eratu, ezarri, aldarazi edo deuseztatu izanari buruzko informazio betebeharra; identifikazio fiskaleko zenbakia jakinarazi ez duten pertsona edo erakundeei buruzko informazio betebeharra edo notarioen esku hartzea izan duten egintza edo kontratuak agertzen diren eskriturak edo dokumentuak ematerakoan erabilitako ordainketa moduak identifikatu ez dituztenei buruzkoa; nekazaritzako, abeltzaintzako edo basogintzako jarduerak buruztik eratorritako dirulaguntzei edo kalte ordainei buruzko informazio betebeharra, gizarte aurreikuspeneko sistemei egindako ekarpenei buruzko informazio betebeharra, ondasun higiezinekin zerikusia duten finantza eragiketei buruzko informazio betebeharra.

Zerga Araudiaren Zerbitzuak honi buruz emandako txostena eta Aholku Batzordeak emandakoa ere ikusirik,

Horregatik, Ogasun, Finantza eta Aurrekontu Saileko diputatuaren proposamenez, eta Diputatuen Kontseiluak gaur bertan egindako bilkuran aztertu ondoren, hauxe

XEDATU DUT:

I. KAPITULUA [\(4\)](#)

FINANTZA KONTU, ERAGIKETA ETA AKTIBOEN BERRI EMAN BEHARRA [\(4\)](#)

1. artikulua. Edukia eta aplikazio eremua.

1. Foru dekretu honek Zerga Administrazioari informazioa emateko betebeharrak batzuk garatzen ditu, eta bertan aipatutako pertsonen edo erakundeen eragiten die.

2. Foru dekretu honek heldutako aitoren Arabako Foru Aldundian aurkeztu beharko dira, Kontzertu Ekonomikoan ezarritakoarekin bat etorritik aurkeztea beharrezkoa den kasuan.

2. artikulua. Kreditu erakundeetan dauden kontuen buruzko informazio betebeharrak.

1. Kreditu erakundeak eta gainerako erakundeak, indarrean dagoen araudiaren arabera banku edo kreditu trafikoen jarduten badute, behartuta egongo dira urtero informazio aitoren aurkeztera, lurralde espainiarren barruan edo handik kanpo kokaturiko erakunde horietan irekitako edo haiek hirugarren batzuen eskura jarritako kontu guztien gainean.

Lurralde espainiarretik kanpo kokaturiko tokietan irekitako kontuak direnean, ez da nahitaezkoa izango lurralde espainiarrean bizitoki iraunkorra ez duten pertsona edo erakundeen buruzko informazioa ematea.

2. Zerga Administrazioari eman beharreko informazioak hurrengo datuak bilduko ditu: kontuen identifikazio osoa eta pertsona edo erakunde titularren, erakunde baimenduen edo kontu horien onuradunen izen-abizenak, edo sozietatearen izena, edo deitura osoa, eta identifikazio fiskaleko zenbakia; kontu horien saldoa abenduaren 31n eta azken hiruhilekoko batez besteko saldoa, eta kasuan kasuko eredia onartzen duen Foru Aginduak ezarritako informazioa zehazteko garrantzitsua den beste edozein datu.

Eman beharreko informazioa kontu korronteen, aurrezki kontuen, epe baterako ezarpenei, kreditu kontuen eta beste edozein kontu buruzkoa izango da, hartzen duten eredia edo deitura zein den alde batera utzita, eta ordainketa, atxikipen edo konturako diru sarrera ez badago ere.

Pertsona edo erakunde titularren, baimenduen edo onuradunen izen-abizenak, edo sozietatearen izena, edo haren deitura osoa eta identifikazio fiskaleko zenbakia aitoren urteko uneren batean titular, baimendu edo onuradun izandakoen buruzkoak izango dira.

3. Artikulu honetan adierazitako informazioa biltzen duen aitoren urte bakoitzeko urtarileko lehenengo hogeita hamar egun naturalen aurkeztu beharko da eta informazioa aurreko urte naturalari buruzkoa izango da.

Aitoren foru aldundi honetako Ogasuneko bulegoetan aurkeztuko da, Ogasun, Finantza eta Aurrekontu diputatuak ezartzen duen ereduari jarraiki. Hark aitoren bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitoren aurkezteko epea aldarazi ahalko du Foru Agindu bidez.

2 bis artikulua. (6) Elkarren laguntzaren eremuko finantza kontuen berri eman beharra.

1. Otsailaren 28ko 6/2005 Foru Arau Orokorrak, Arabako zergenak, 1. artikuluko 2. idatz zatian eta 29 bis artikuluan xedatzen duenaren arabera, finantza erakundeek aitorten informatiboa aurkeztu behar dute irekita dituzten finantza kontuez aplikatzen zaien elkarren laguntzaren arautegian zehazten diren kasu jakin batzuetan.

2. Aurreko idatz zatian aipatzen diren kontuei dagokienez, eta elkarren laguntzaren arautegia aintzat hartuta, finantza erakundeek kontu horien titularitatea edo kontrola duten pertsonen egoitza identifikatu behar dute (edo nazionalitatea, kasu batzuetan) arautegi horretan ezartzen denarekin bat etorritik. Identifikazioa nola egin Ogasun, Finantza eta Aurrekontu Saileko foru diputatuak xedatuko du foru agindu baten bidez.

3. Informazio hau eman behar da: elkarren laguntzaren arautegian ezartzen denaren arabera eman beharreko datuak eta, ezinbestean, kontu bakoitzaren identifikazio osoa eta beraren titularitatea edo kontrola daukan pertsonaren izen-abizenak (erakundea bada, izen osoa) eta, behar izanez gero, identifikazio fiskaleko zenbakia edo antzekoa.

4. Aitorpena egiteko eredia Ogasun, Finantza eta Aurrekontu Saileko foru diputatuaren foru agindu baten bidez onartuko da.

3. artikulua. Maileguei eta kredituei eta eskudiru mugimenduei buruzko informazioa eman beharra. (1)

1. (1) Kreditu erakundeek eta indarreko arautegiarekin bat etorritik banku edo kreditu trafikoa diharduten gainerako erakundeek urteko aitorten informatibo hauek aurkeztu behar dituzte:

a) Emandako kreditu eta maileguetatik abenduaren 31n 6.000 eurotik gorako saldoa eduki dutenei buruzko aitorpena; aitorpenean kreditu eta mailegu bakoitzaren titularraren izen-abizenak edo sozietate izena edo izendazio osoa eta identifikazio fiskaleko zenbakia agertu behar dira.

b) Eskudirutan egiten diren 3.000 eurotik gorako ezarpen, baliatze eta kobrantzei buruzko aitorpena, bitarteko fisiko edo elektronikoa eta moneta (euroa zein besteren bat) gorabehera.

Aitorten informatibo honetan ez dira sartuko foru dekretu honetako 6. artikuluan ezarritakoaren arabera Zerga Administrazioari jakinarazi beharreko eragiketak.

Aitorpenean eragiketa bakoitzaren zenbatekoa adierazi behar da eurotan, zer izan den zehaztu behar da (ezarpena, baliatzea edo kobrantza), data jarri behar da, nork egin duen argitu behar da eta kargua edo ordainketa egin den kontuaren zenbakia adierazi behar da; horiez gainera zerga eredia onartzen duen Ogasun, Finantza eta Aurrekontu Saileko diputatuaren foru aginduan ezarritako informazioa zehazten lagundu dezaketen datu guztiak eman daitezke.

2. Artikulu honetan adierazitako informazioa biltzen duen aitorpena urte bakoitzeko urtarrileko lehenengo hogeita hamar egun naturaletan aurkeztu beharko da eta informazioa aurreko urte naturalari buruzkoa izango da.

Aitorpena foru aldundi honetako Ogasuneko bulegoetan aurkeztuko da, Ogasun, Finantza eta Aurrekontu diputatuak ezartzen duen ereduari jarraiki. Hark aitorpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitorpena aurkezteko epea aldarazi ahalko du Foru Agindu bidez.

3 bis artikulua. (1) Kreditu edo kargu txartelen bidez egindako kobrantzei buruzko informazioa eman beharra.

1. Bankuek eta kreditu erakundeek eta indarreko arautegiarekin bat etorriz Espainian egoiliartutako enpresaburuei eta profesionalei kreditu eta kargu txartelen bidezko kobrantzak kudeatzeko zerbitzua egiten dieten gainerako erakundeek kobrantza sistema horri atxikitako enpresaburuek eta profesionalek urtean egindako eragiketen aitorpen informatiboa aurkeztu behar dute, kobrantzen guztirako zenbatekoa 3.000 euro baino gehiago izanez gero.

Aitorpenean enpresaburu edo profesional bakoitzaren identifikazio osoa adierazi behar da, bai eta sisteman jarduteko erabiltzen duen merkataritza zenbakia, urtean fakturatutako zenbatekoa eta kobrantzak egiteko erabiltzen duen kontua ere; horiez gainera zerga eredu onartzen duen Ogasun, Finantza eta Aurrekontu Saileko diputatuaren foru aginduan ezarritako informazioa zehazten lagundu dezaketen datu guztiak eman daitezke.

2. Artikulu honetan adierazitako informazioa biltzen duen aitorpena urte bakoitzeko urtarrileko lehenengo hogeita hamar egun naturaletan aurkeztu beharko da eta informazioa aurreko urte naturalari buruzkoa izango da.

Aitorpena foru aldundi honetako Ogasuneko bulegoetan aurkeztuko da, Ogasun, Finantza eta Aurrekontu diputatuak ezartzen duen ereduari jarraiki. Hark aitorpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitorpena aurkezteko epea aldarazi ahalko du Foru Agindu bidez.

4. artikulua. Baloreei, aseguruiei eta errentei buruzko informazio betebeharra.

1. Balore higigarrien gordailuzain diren erakundeek hurrengo informazioa eman beharko diote zerga Administrazioari urteko aitorpena aurkeztearen bitartez horietan gordetako baloreen inguruan:

a) Erakunde juridikoen kapitalean edo berezko funtsetan, merkatu antolatuetan negoziaturikoetan, akzioak edo partaidetzak dituzten pertsonen edo erakunde titularren izen-abizenak, edo sozietatearen izena, edo deitura osoa, eta haren identifikazio fiskaleko zenbakia urte bakoitzeko abenduaren 31n. Halaber, titulartasunpean dituzten akzio eta partaidetza kopuru eta motari buruzko

informazioa emango da, haien balioaren gaineko informazioa bezala, foru dekretu honetako Lehenengo Xedapen Gehigarrian xedatutakoari jarraiki.

- b) Merkatu antolatuetan negoziatutako berezko kapitaletan hirugarren batzuei lagatakoaren balio adierazgarrien titular diren pertsonen edo erakunde titularren izen-abizenak, edo sozietatearen izena, edo deitura osoa, eta haren identifikazio fiskaleko zenbakia urte bakoitzeko abenduaren 31n. Halaber, titulartasunpean dituzten balore kopuru eta motari buruzko informazioa emango da, haien balioaren gaineko informazioa bezala, foru dekretu honetako Lehenengo Xedapen Gehigarrian xedatutakoari jarraiki.

2. (9) Inbertsio kolektiboko entitateen sozietate kudeatzaileek, Europako arrisku kapitaleko funtsen, Europako gizarte ekintzailetzako funtsen edo Europako epe luzerako inbertsio funtsen entitate kudeatzaileek, Espainiako entitate merkaturatzaileek eta zerbitzuak libre emateko araubidean diharduten entitate kudeatzaileen ordezkariak honako datu hauek eman behar dizkiote Zerga Administrazioari, urteko aitortpena aurkeztuta: abenduaren 31n inbertsio kolektiboko entitateen kapitaleko edo ondare funtseko akzio edo partaidetzen edo Europako arrisku kapitaleko funtsen, Europako gizarte ekintzailetzako funtsen edo Europako epe luzerako inbertsio funtsen titular izan diren pertsona eta entitateen izen-abizenak edo sozietate izenak edo izen osoak eta identifikazio fiskaleko zenbakiak. Horiez gainera titular bakoitzaren akzioen eta partaidetzen kopurua eta motak zehaztu behar dira eta, behar izanez gero, zein taldetakoak diren ere bai, eta abenduaren 31n izan duten likidazio balioa adierazi behar da. Espainiako inbertsio kolektiboko entitateen akzioen edo partaidetzak mugaz gaindi merkaturatzen badira edo Europako arrisku kapitaleko funtsak, Europako gizarte ekintzailetzako funtsak edo Europako epe luzerako inbertsio funtsak merkaturatzen badira, ez-egoiliar diren beste batzuen kontura akzio edo partaidetzen titular ageri den atzerriko entitate merkaturatzaileak eman behar du informazioa, urtarrilaren 12ko 3/2016 Foru Dekretuak, ez-egoiliarren errentaren gaineko zergaren arautegia onartzen duenak, lehenengo xedapen gehigarrian ezartzen duenarekin bat etorriz. Hala ere, sozietate kudeatzaileak edo inbertsio sozietateak erantzukizuna eduki dezake Zerga Administrazioarekin lehenengo xedapen gehigarri horretan xedatzen denaren arabera.

Inbertsio kolektiboko entitateen akzioak edo partaidetzak bigarren mailako merkatu batean edo baloreak negoziatzeko sistema antolatu batean negoziatzeko onartuta badaude, akzioak edo partaidetzak gordailatuta dituen entitateari dagokio aurreko paragrafoan aipatutako informazio betebeharra.

3. (8) Aseguru erakundeek, helbidea Europako Esparru Ekonomikoko beste estatu kide batean izanik Espainian zerbitzugintza askearen araubidean diharduten aseguru erakundeak barnean direla, zein finantza erakundeek urteko aitortpena aurkeztu beharko dute, eta bertan bildu beharko dute jarraian adieraziko den informazioa:

- a) Abenduaren 31n bizi aseguru baten hartzaile direnen izen abizenak eta identifikazio fiskaleko zenbakia, data horretako erreskate balioa jakinaraziz.

- b) Abenduaren 31n, dirutan, ondasun higigarri edo higiezinetan kapitala eman izanaren ondorioz aldi baterako edo biziarteko errenta baten onuradun diren pertsonen izen abizenak eta identifikazio fiskaleko zenbakia. Data horretako kapitalizazio balioa adierazi beharko da.

Bizitza aseguruak ondarearen gaineko zerga sortzen denean duten erreskate balioaren arabera konputatuko dira.

Aldi baterako errentak edo biziarteko errentak, kapitala dirutan, ondasun higigarritan edo higiezinetan ematearen ondorioz sortu direnean, ondarearen gaineko zerga sortzen den egunean duten kapitalizazio balioaren arabera zenbatu behar dira, pentsioakeratzeko ondare eskualdaketa eta egintza juridiko dokumentatuen gaineko zergan adierazi diren arau berak aplikatuz.

4. Artikulu honetan aurreikusi diren aitortenak urtero aurkeztu beharko dira, Ogasun, Finantza eta Aurrekontu diputatuak zehazten dituen toki, modu eta epean. Bertan, aurreko urte naturalari buruzko informazioa bildu beharko da.

5. artikulua. Identifikazio fiskaleko zenbakia eman ez duten kontu edo beste eragiketa batzuen titularrei buruzko informazio betebeharra.

1. Identifikazio fiskaleko zenbakiari eta haren osaerari buruzko betebeharrak arautzen dituen 71/2008 Foru Dekretuko 12. artikuluko 3. idatz zatian ezarritakoarekin bat etorriz, kreditu erakundeek hiru hiletik behin jakinarazi beharko dizkiote zerga Administrazioari zeintzuk diren identifikazio fiskaleko zenbakirik eman ez duten edo artikulu horretan ezarritako epea igarota jakinarazi duten titularren kontu edo eragiketak, kontu edo eragiketa horiek baliogabetu egin badira ere.

2. Aitorpenean datu hauek adierazi behar dira, gutxienez:

- a) Pertsona edo erakunde bakoitzaren izen-abizenak edo sozietatearen izena eta helbidea, eta beharrezkoa denean identifikazio fiskaleko zenbakia ere bai.
- b) Kontuaren edo eragiketaren izaera edo mota eta zenbakia, eta saldoa edo zenbatekoa.

3. Artikulu honetan adierazitako informazioa biltzen duen aitortpena hiruhileko natural bakoitzaren hurrengo hilabetearen barruan aurkeztu behar da, eragindako kontu edo eragiketei dagokienez eta identifikazio fiskaleko zenbakia emateko epe baliorduna hiruhileko horretan amaitu bada. Hala eta guztiz ere, ordenagailuak zuzenean irakur dezakeen euskarrian edo bide telematikoa erabilita aurkezten bada, urte bakoitzeko laugarren hiruhilekoari dagokiona otsailaren 20ra arte aurkeztu ahalko da.

Hala eta guztiz ere, Ogasun, Finantza eta Aurrekontu diputatuak aitortenak aurkezteko epeak aldarazi ahalko ditu Foru Agindu bidez.

6. artikulua. Kreditu erakundeek igorritako txeekei buruzko informazio betebeharra.

1. Identifikazio fiskaleko zenbakiari eta haren osaerari buruzko betebeharrak arautzen dituen 71/2008 Foru Dekretuko 12. artikuluko 4. idatz zatian aurreikusitakoarekin bat etorriz, kreditu erakundeek urtero jakinarazi beharko diote zerga Administrazioari diru, ondasun, balore edo beste txeke batzuk ematearen truke igortzen dituzten txeekei buruzko informazioa. Salbuespena bankuko kontu baten truke igorritako txeekeak izango dira.

Halaber, kreditu erakundeek emaniko kontuan gabe eskudirutan ordaindutako txekeei buruzko informazioa ere eman behar diote Administrazioari, bai eta beste pertsona batek emandako 3.000 eurotik gorako balioko txekeei buruzko informazioa ere.

2. Eragin hauetarako, kreditu erakundeek ondoko datuak jasotzen dituen aitortpena aurkeztu behar dute:

- a) Txeke bakoitzaren hartzailearen edo, bestela, dirua kobratu duten pertsonen izen-abizenak edo erakundeen izen osoa eta identifikazio fiskaleko zenbakia.
- b) Txeke bakoitzaren serie zenbakia eta zenbatekoa; bereizi egin behar dira erakundeak emandako txekeak eta ordainduak. Gainera, beste kreditu erakunde batzuek eta beste pertsona batzuek emandako 3.000 eurotik gorakoak ere bereizi behar dira.

3. Artikulu honetan aurreikusi diren aitortpenak urtero aurkeztu beharko dira, Ogasun, Finantza eta Aurrekontu diputatuak zehazten dituen toki, modu eta epean. Bertan, aurreko urte naturalari buruzko informazioa bildu beharko da.

7. artikulua. Aktibo finantzarioekin burututako eragiketa jakin batzuei buruzko informazio betebeharra.

1. Zerga Administrazioari informazioa emateko betebeharra izango dute hurrengoek, urtero aktibo finantzarioekin burututako eragiketa jakin batzuen aitortpena aurkeztuz artikulu honetan ezarritako baldintzei jarraiki:

- a) **(9)** Fede-emaile publikoek, inbertsio kolektiboko entitateen sozietate kudeatzaileek, Europako arrisku kapitaleko funtsen, Europako gizarte ekintzailetzako funtsen edo Europako epe luzerako inbertsio funtsen entitate kudeatzaileek, inbertsio funtsetak opartaidetzak merkaturatzen dituzten entitateek, krediturako finantza entitate eta establezimenduek, baloreen sozietate eta agentziek, gainerako finantza bitartekariak eta pertsona fisiko eta juridiko guztiek, pertsona fisikoen gaineko zergari, sozietateen gaineko zergari eta ez-egoiliarren errentaren gaineko zergari buruzko foru arauetan eta arlo honetako xedapenak ezartzen dituzten gainerako arau guztietan ezartzen denarekin bat etorritik.
- b) Merkatu antolatuan kotizatu ez diren titulu edo balore izendunen igorle diren erakundeek, haiek burututako igorpen eragiketei dagokienez eta Balore Merkatuaren uztailaren 28ko 24/1988 Legeko 109. artikuluan xedatutakoarekin bat etorritik, eta aukera eta etorkizuneko merkatuak arautzen dituzten sozietateek, merkatu horietan egindako eragiketei dagokienez eta Pertsona Fisikoen Errentaren gaineko Zerga, Sozietateen gaineko Zerga eta Egoiliarren Ez diren Errentaren gaineko Zerga arautzen duen araudian bitarteko finantzarioetarako ezarritako baldintzei jarraiki.
- c) Baloreen Erregistro, Konpentsazio eta Likidazio Sistemak Kudeatzeko Sozietateak, edo Estatuko Zorraren harpidetza, eskualdaketa eta ordainketan esku hartzen duten kudeaketa erakundeek, hura kontuko idazpenetan irudikatzen bada eragiketa horiei dagokienez, eta, hala badagokio, etekinei dagokienez.

2. Artikulu honetan ezarritako informazio betebeharra betetze aldera, inbertsio kolektiboko erakundeen kudeatzaile diren sozietateek, edo aurreko 1. idatz zatiko a) letrak aipatutako kapital aldagarriko inbertsioen sozietateek edo aurreko 1. idatz zatiko b) letran aipatutako erakundeek eragiketa batean esku hartzen dutenean, 1. idatz zatiko a) letrak aipatutako fede emaile edo bitartekari finantzarioekin batera, esku hartzen duen fede emaile edo bitartekari finantzarioak egin beharko du informazioa jasotzen duen aitortpena.

Atzerrian igorritako baloreak edo atzerrian eraturiko tresna eratorriak badira, aitortpena baloreek Espainian merkaturatzen dituzten erakundeek eta zerbitzugintza askearen araubidean jarduteko duten erakunde kudeatzaileen ordezkariak egin behar dute, edo, bestela, Espainian balore horiek gordailatuta dituzten erakundeek.

(11) Harpidetza eskubideekin lotutako eragiketei dagokienez, balio horien Espainiako erakunde gordailuzainari dagokio aitortpena egitea, eta horrelakorik ez badago, finantza bitartekariak edota eragiketan parte hartu duen fede emaile publikoak egingo du.

3. 1. idatz zatian aipatutako informazio betebeharrak Estatuko lurraldetik kanpo eta Espainiako lurraldeko egoiliar diren edo bertan establezimendu iraunkorra duten bitartekariak euren kabuz edo besteren kontura esku hartuz egindako eragiketen eta kontratuen berri emateari heltzen dio.

4. 1. idatz zatiak aipatutako zergapekoek hurrengo informazioa eman beharko diote zerga Administrazioari: eragiketetan esku hartu duten subjektuen identifikazio osoa, zer gisa esku hartu duten eta parte hartze portzentajea, haien izen-abizenak edo sozietatearen izena edo deitura osoa, helbidea eta identifikazio fiskaleko zenbakia, eragiketa bakoitzeko efektu publiko, balore, titulu eta aktiboen mota eta kopurua, eta eragiketa bakoitzaren zenbatekoa eta data.

5. Atxikipenpean jarritako eragiketei dagokienez, artikulu honetan ezarri den informazio betebeharra bete dela ulertuko da kasuan kasuko atxikipenen urteko laburpena aurkezten denean.

6. 4. idatz zatiak adierazitako informazio betebeharraren kaltetan izan gabe, maileguaren xede diren baloreak negoziatzen diren merkatuko konpentsazioaren eta likidazioaren kasuan kasuko sistemako parte hartzaile edo kide diren erakundeek, baloreen mailegu eragiketetan parte hartzen duten edo bitartekari diren finantza erakundeek eta Baloreen Erregistro, Konpentsazio eta Likidazio Sistemak Kudeatzeko Sozietateak edo, hala badagokio, Balore Merkatuaren uztailaren 28ko 24/1998 Legeko 31. artikuluko 4. idatz zatian araututako baloreen negoziazioaren merkatu edo sistema antolatuen erregistro, konpentsazio eta likidazio lanak egiten dituen erakundeak eman egin beharko diote zerga Administrazioari Zerga, Administrazio eta Gizarte Arloetako neurri buruzko abenduaren 30eko 62/2003 Legeko Hemezortzigarren Xedapen Gehigarriko 3. idatz zatian jasotako informazioa.

7. Artikulu honek aipatutako aitortpenak jasotzen duen informazioa Ogasun, Finantza eta Aurrekontu diputatuak zehazten duen toki, modu eta epean aurkeztu beharko da.

8. artikulua. Informazioa betebeharra.

1. Zerga administrazioari foru dekretu honen 7. artikuluan aipatzen den informazioa eman behar diotenek informazioa aurkeztu beharko dute finantza bitartekarien inbertsio koefiziente, baliabide propio eta informazio betebeharrei buruzko maiatzaren 25eko 13/1985 Legearen Bigarren Xedapen Gehigarrian ezarritako araubidea duten lehentasuneko partaidetzekin eta beste zor tresna batzuekin egindako eragiketen inguruan. Eman beharreko informazioa foru dekretu honetako 7. artikuluko 4. idatz zatian bildutakoa izango da, eta betebeharra duten horien bitartekaritzarekin lehentasuneko partaidetza eta beste zor tresna horiekin egindako eragiketei buruzkoa izango da.

2. Artikulu honetan aipatutako informazio betebeharra betetze aldera, foru dekretu honen 7. artikuluko 5. idatz zatian ezarritakoa aplikatuko da.

3. Artikulu honetan aurreikusi diren aitordenak urtero aurkeztu beharko dira, Ogasun, Finantza eta Aurrekontu diputatuak zehazten dituen toki, modu eta epean. Bertan, aurreko urte naturalari buruzko informazioa bildu beharko da.

9. artikulua. (3) Informazio araubidea Estatuaren Zor Publikoarekin, lehentasuneko partaidetzekin eta beste zor tresna batzuekin egindako eragiketen inguruan.

1. Artikulu honetan xedatutakoa ondoko etekinei aplikatuko zaie:

- a) Idazpenetako Zor Publikoaren Merkatuan negoziaturiko Estatuaren Zor Publikoaren balioen interesak eta deskontuan edo bananduta jaulkita, izaera bereko balioetatik eratorritako beste etekin batzuk.
- b) Bitartekari finantzarioen inbertsio koefizienteei, baliabide propioei eta informazio betebeharrei buruzko maiatzaren 25eko 13/1985 Legearen bigarren xedapen gehigarrian araututako balioen interesak eta deskontuan, hamabi hilabete edo gutxiagoko epean, xedapen honetan jasotako zor tresnetatik eratorritako etekinak.

2. Estatuaren Zor Publikoari dagokionez, jaulkitzaileak edo bere ordainketa agente baimenduak idazpenetako zor publikoaren merkatuko erakunde kudeatzaileei eta balioen konpentsazio eta likidazio sistemak kudeatzen dituzten erakundeei, egoitza atzerrian edukita, egoitza Espainian duen balioen konpentsazio eta likidazioko erakunde batekin hitzarmena badute, hirugarrenen kontuetan ondoko hauen alde erregistratuta dituzten balioen etekinak ordainduko dizkie epemuga bakoitzean eta zenbateko osoa:

- a) Espainian establezimendu iraunkorrik gabeko ez-egoiliarak.
- b) Sozietateen gaineko Zergaren subjektu pasiboak eta Espainian establezimendu iraunkorra duten ez-egoiliarak.
- c) Pertsona Fisikoen Errentaren gaineko Zergaren zergadunak, banandutako kupoiei eta banandutako printzipalei dagokienez, ordainketan erakunde kudeatzaile batekin parte hartzen duenean.

Halaber, oso-osorik ordainduko dira idazpenetako zor publikoaren merkatuan kontuaren titularren kontu propioan erregistratuta dauden saldoen etekinak.

3. 2. idatz zatian jasotakoaren ondorioetarako, erakunde kudeatzaileek eta atzerrian egoitza duten balioen konpentsazio eta likidazio sistemen erakunde kudeatzaileek, idatz zati horretan aipatuak, aitorpen bat aurkeztu beharko diote jaulkitzaileari, hala badagokio Espainiako Bankuaren bidez, foru dekretu honen I. eranskinean jasotzen den ereduaren arabera. Bere erregistroetan ezartzen denarekin bat etorrita, informazio hau jaso behar du:

- a) Balioen identifikazioa.
- b) Etekinen zenbatekoa, guztira.
- c) Pertsona Fisikoen Errentaren gaineko Zergaren zergadunei dagozkien eteकिन zenbatekoa, salbu eta Estatuaren Zor Publikoko banandutako kupoiak eta banandutako printzipalak badira, horien ordainketan erakunde kudeatzaile batek parte hartzen duenean.
- d) 2. idatz zatian jasotakoaren arabera osorik ordaindu behar diren eteकिन zenbatekoa.

Aitorpen hori ez da aurkeztu beharko Altxorraren Letrak direnean, ez erakunde kudeatzaileek Estatuaren Zor Publikoko banandutako kupoei eta banandutako printzipalei dagokienean.

4. 1 b) idatz zatiko balioen kasuan, Espainian egoitza duen balioen konpentsazio eta likidazio erakunde batean erregistratuta daudenean jatorrian, aitorpen hori 3. idatz zatian jasotakoaren arabera aurkeztuko dute hirugarrenen kontuetan erregistratutako balioak mantentzen dituzten erakundeek, bai eta atzerrian egoitza duten balioen konpentsazio eta likidazio sistemen erakunde kudeatzaileek ere, hitzarmena izenpetuta badaukate Espainian egoitza duen balioen konpentsazio eta likidazio erakunde horrekin.

2. idatz zatiko a) eta b) hizkietan aipatutako titularren etekinak ere oso-osorik ordainduko dira.

Halaber, oso-osorik ordainduko dira erakunde gordailuzainen kontu propioan erregistratuta dauden saldoen etekinak.

5. 1 b) idatz zatiko balioak direnean, atzerrian egoitza duten balioen konpentsazio eta likidazio sistemen erakunde kudeatzaileetan erregistratuta jatorrian, Espainiako edo ELGAko kide den beste herrialde bateko araudiak onartuta ondorio hauetarako, jaulkitzaileak izendatutako ordainketa agenteak aitorpen bat aurkeztu beharko dio jaulkitzaileari, foru dekretu honen I. eranskineko ereduari egokitua, atzerrian egoitza duten balioen konpentsazio eta likidazio sistemen erakunde kudeatzaile bakoitzari dagozkion balioen identifikazioaren eta eteकिन zenbateko osoaren berri emanez, oso-osorik ordainduko direnak.

6. Aurreko idatz zatietan aipatutako aitorpenak interesen epemugaren aurreko egun baliodunean aurkeztuko dira edo, deskontuan edo bananduta jaulkitako balioen kasuan, balioen amortizazio bakoitzaren egunaren aurreko egun baliodunean, merkatuaren itxieraren egun horren egoera jasota. Aitorpen horiek bide telematikoez bidali ahal dira.

Deskontuan edo bananduta jaulkitako balioak direnean, etekinen informazioa ordaindu beharreko zenbatekoei buruzko informazioarekin ordeztuko da. Dena den, balio horien amortizaziotik sortutako etekinei dagokienez, atxikipena badute, aitorpenean etekin horien zenbatekoa ere sartuko da.

Aurreko paragrafoan aurreikusitako kasuan, aitorpena jaulkitzaileari edo, hala behar izanez gero, jaulkitzaileak amortizazioa edo ordainketa gauzatzeko ardura eman dion erakunde finantzarioan aurkeztu beharko da.

7. Interesen epemugaren kasuan, artikulua honek aipatzen duen aitorpena aurkezten ez badu aurkeztu beharra duen erakunderen batek 6. idatz zatiko lehenengo paragrafoan aurreikusitako egunean, jaulkitzaileak edo bere ordainketa agente baimenduak erakunde horri dagozkion interesak ordaindu beharko dizkio, hain zuzen, atxikipen tasa orokorra horiei guztiei aplikatuzetik sortzen den zenbateko likidoa.

Gero, interesen epemugatik hogeita hamar eguneko epearen barruan, Estatuaren Zor Publikoa bada, edo artikulua honetako 1 b) idatz zatiak jasotzen dituen balioetatik sortutako interesak mugaeguneratzen diren hurrengo hileko 10a baino lehen, aitorpena aurkeztu beharra duen erakundeak artikulua honetan arautzen den aitorpena aurkezten badu, jaulkitzaileak edo bere ordainketa agente baimenduak jaso bezain laster ordainduko ditu atxikitako soberakinak.

8. Aurreko idatz zatietan jasotako guztia aplikatuko da zerga araudian oro har jaulkitzaileei eta Espainian egoitza edukita, artikulua honetako 1. idatz zatiak aipatutako balioen gordailuzain modura jarduten duten bitartekari diren erakundeei finkatutako informazio betebeharren kalterik gabe, Pertsona Fisikoen Errentaren gaineko Zergaren zergadunei, Sozietateen gaineko Zergaren subjektu pasiboei eta Espainian egoitza iraunkorra duten ez-egoiliarren Errentaren gaineko Zergaren zergadunei dagokienez, balioen titularrak badira, erakundeen erregistroetan jasotzen denaren arabera.

10. artikulua. Aplikazio esparrua.

Pertsona juridiko eta gainerako erakundeek, errenten egozpeneko araubide menpekoak barne, eta, beren jardura ekonomikoa dela eta, Europar Batasuneko beste estatu batean bizi diren pertsona fisikoei, 11. artikuluan aipatu bezala, ordaintzen dieten edo ordainketetan bitarteko diren pertsona fisikoek izango dute foru dekretu honetan ezartzen diren xedapenetatik eratorritako informatzeko beharra.

11. artikulua. Informazioa eman beharrari lotutako errentak.

1. Foru dekretu honetan araututako informatzeko beharrari lotuta egongo dira ondoko errentak:

a) Ordaindutako korrituak eta nor bere dirua beste bati uzteagatik adostutako edozein ordainketa modu, inoren kapitalak erabili eta jasotzeagatik edozein aktibo eskualdatu, itzuli, amortizatu, aldatu edo bihurtzeri darizkion etekinak barne, baita Pertsona Fisikoen Errentaren gaineko Zergaren urtarrilaren 29ko 3/2007 Foru Arauko 38. artikuluan adierazitako gainerako errentak ere, atzeratzeagatik errekarquak izan ezik.

b) a) idatz zatian adierazitako errentak direla eta ondorengo erakundeek banatutako mozkinak.

1.- Kontseiluaren 1985eko abenduaren 20ko 85/611/EEE Zuzentarauak araututako inbertsio kolektiboko erakundeak.

2.- Foru dekretu honetako 12.2 artikuluko bigarren paragrafoan ezarritako aukerari heltzen dioten erakundeak.

3.- Egoitza Europako Erkidegoaren itunaren aplikazio eremutik kanpo duten inbertsio kolektiboko erakundeak.

c) b) idatz zatian adierazitako erakundeetan akzioak edo partaidetzak eskualdatzean edo ordaintzean lortutako errentak, baldin eta horiek, zuzenean edo zeharka, mota bereko erakundeen bidez inbertitu badira a) idatz zatian araututako errentak sortzen dituzten baloreen edo kredituen % 40tik gora. [\(2\)](#)

Horretarako, eskualdatzean edo ordaintzean lortutako errentaren zenbatekoa zehaztu ezin denean, akzioen edo partaidetzen eskualdatze edo ordaintze balorea hartuko da hartakotzat.

Portzentaje hori funtsaren araudian edo kasuan kasuko erakundearen eraketa eskrituran inbertsioei buruz ezarritako arau edo irizpideetatik eratorritako inbertsio politikaren arabera ezarriko da, eta, horrelakorik ez balego, bere aktiboen benetako eraketaren arabera. Eragin horietarako, emaitzak banatu, edo eskualdaketa edo ordainketa egin aurretiko ekitaldiko aktiboen batez besteko eraketa hartuko da kontuan.

2. Artikulu honetako 1. idatz zatiko a) letran xedatutakoaren ildotik, finantza erakundeek aipatutako eskualdaketa, amortizazioaren edo ordainketaren etekina zehaztu ezin dutenean, eskualdaketa, amortizazioaren edo ordainketaren balioaren berri eman beharko diote zerga Administrazioari.

Era berean, artikulu honetako 1. idatz zatiko b) eta c) letretan xedatutakoari dagokionez, errenta ordaintzaileak 1. idatz zatiko a) letran adierazitako errentak sortzen dituzten baloreei edo kredituei, zuzenean edo zeharka, dagozkien inbertitutako aktiboen ehunekoari edo banatutako etekinen zatia buruzko informazioz ez duenean, etekin guztia era horretako errenta edo aktiboen ondorio dela joko da.

Dena den, informazioa emateko betebeharra dutenek, artikulu honetako 1. idatz zatiko b) eta c) letretan jasotako errentei dagokienez, aukera izango dute, hurrenez hurren, banatutako zenbateko guztiari edo inbertsio kolektiboko erakundearen akzioak edo

partizipazioak eskualdatzean edo ordaintzean lortutako zenbateko guztiari buruzko informazioa emateko.

12. artikulua. Informazioa emateko betebeharra dutenak.

1. Foru dekretu honetako 10. artikuluan zerrendatutako pertsonak edo erakundeak daude informazioa ematera behartuta eta, batez ere, ondokoak:

- a) Finantza erakundeetan korrituak edo hitzartutako beste edozer ordaintzean, ordaintzen duen finantza erakundea.
- b) Finantza aktiboen kupoiak ordaintzean edo horiek amortizatzean nahiz ordaintzean, aldatzean edo bihurtzean, balore igortzailea.

Hala eta guztiz ere, aurreko eragiketak gauzatzea finantza erakunde baten esku utziz gero, finantza erakundea egongo da informazioa ematera behartuta.

- c) Finantza aktiboak eskualdatzean lortutako etekinetan, eskualdatzailearen izenean ari den finantza erakundea.
- d) Zor publikoaren baloreak badira, eragiketan parte hartzen duten idazpenetan zor publikoaren merkaturatzailea kudeatzen duen erakundea.
- e) Inbertsio kolektiboaren erakundearen etekinak banatzean, elkarte kudeatzailea edo inbertsio elkartearen. Inbertsio kolektiboko erakundeak egoitza atzerrian baldin badu, erakunde merkaturatzailea edo merkaturatzeko ahalmena duen bitartekaria.
- f) Inbertsio kolektiboko erakundearen akzioen edo partaidetzen eskualdaketa edo ordainketan, elkarte kudeatzailea edo inbertsio elkartearen, edo, hala badagokio, eskualdaketa parte hartzen duen finantza bitartekaria. Inbertsio kolektiboko erakundeak egoitza atzerrian baldin badu, erakunde merkaturatzailea edo merkaturatzeko ahalmena duen bitartekaria.

2. Foru dekretu honen 11. artikuluan zehaztutako errentak Pertsona Fisikoen Errentaren gaineko Zergaren urtarrilaren 29ko 3/2007 Foru Arauaren 11. artikuluan eta IV. tituluko VI. kapituluko 2. atalean araututako errenten egozpeneko araubidearen menpe dauden erakundeak jasotzen dituztenean, erakunde horiek izango dute informatzeko beharra, baldin eta errentaren zenbatekoa Batasuneko beste estatu batean bizi den pertsona fisikoari badagokio.

Europar Batasuneko beste estatu batean bizi diren pertsona fisikoei ordaintzen dizkietenean errentak eman ahal izango dute informazioa erakunde horiek. Aukera hori hautatuz gero, zerga Administrazioa jakinaren gainean jarriko dute eta hark, erakundearen eskaeraren ondotik, aukera hori egiaztatzen duen ziurtagiria egingo du.

3. Aurreko idatz zatietan xedatutakoa gorabehera, aipatutako pertsona eta erakundeek ez dute informatzeko beharrik izango, baldin eta errenta hori ondokoa egiaztatzen duen pertsona fisikoren batek jasotzen badu:

- a) Errentak ordaintzen dituela edo errenten ordainketan bitartekari aritzen dela, foru dekretu honetako 10. artikuluan adierazitako moduan.
- b) Pertsona juridiko baten, enpresen zerga arau orokorren arabera ezarpena makurtuta dagoen erakunde baten edo 85/611/EEE Zuzentzeratuan (inbertsio kolektiboko erakunde batzuk balio higigarrietan egiten dituzten inbertsioen legezko xedapenak, xedapen arautzaileak eta administratiboak koordinatzen dituen) araututako inbertsio kolektiboko erakunde baten kontura jarduten duela.
- c) Nortasun juridikorik gabeko erakunde baten, enpresen zerga ordainketei buruzko arau orokorren akordioaren arabera ari ez den erakunde baten edo 85/611/EEE Zuzentzeratuan (inbertsio kolektiboko erakunde batzuk higigarrietan egiten dituzten inbertsioen legezko xedapenak, xedapen arautzaileak eta administratiboak koordinatzen dituen) araututako inbertsio kolektiboko erakunde kategoriatik ez duen enpresa baten esanetara diharduena. Azken horien kasuan berdin dio, Espainiako legeen arabera, errenten egozpeneko araubidearen menpean dauden erakundeak diren ala ez.

Horrelakoetan, pertsona fisikoak erakunde horren izena eta helbidea jakinaraziko dizkio errenta lortzen duen pertsona edo erakundeari, azken horrek, era berean, zerga administrazioari jakinaraz diezaion.

- d) Beste pertsona fisikoren baten izenean diharduena. Horrelakoetan, foru dekretu honen 14. artikuluko a) letrarekin bat etorriz, pertsona fisiko horrek errenta norengandik edo zein enpresetatik lortzen duen jakinaraziko du.

13. artikulua. Eman behar den informazioa Eman behar den informazioa.

1. Aurreko artikulua aitapatutako zergapekoek hurrengo datuak eman beharko dizkiete zerga Administrazioari:

- a) Errentak hartzen dituen pertsona fisikoaren nortasuna eta helbidea, foru dekretu honetako 14. artikuluan ezarritako prozeduraren arabera.
- b) Errentak kobratzen dituenaren kontu zenbakia.
- c) Errenta kobratzea ahalbidetzen duen kredituaren identifikazioa.
- d) Errentaren zenbatekoa.

2. Europar Batasuneko beste estatu batean egoitza duten edo beste estatu batean enpresen zerga ordainketei buruzko arau orokorren menpe ez dauden edo, Espainiako legeen arabera errenten egozpeneko araubidearen menpe dauden erakundeak izan ala ez, 85/611/EEE Zuzentzeratuan araututako inbertsio kolektiboko erakunde kategoriatik ez duten nortasun juridikorik gabeko erakundeak foru dekretu honetako 11. artikuluan zerrendatzen diren errentak ordaintzen dizkieten edo ordainketa horietan bitarteko lanetan diharduten pertsona eta erakundeak erakundearen izena, helbidea eta errentaren zenbatekoa jakinaraziko dituzte.

14. artikulua. Pertsona fisiko eta Europar Batasuneko beste estatu batzuetako egoiliar diren errenta hartzaileen identifikazioa eta bizitokia.

Beren jarduera ekonomikoa dela eta, foru dekretu honetako 11. artikuluan zerrendatutako errentak ordaintzen dituzten edo ordainketan bitarteko lanetan diharduten pertsona eta erakundeek hartzailearen (pertsona fisikoa) izen-abizenak eta helbidea jakinaraziko dituzte ondoko era honetan:

- a) Europar Batasuneko beste herrialde batean bizi den hartzailearen (pertsona fisikoa) nortasuna ondoko irizpideei jarraiki:

1.- 2004ko urtarrilaren 1a baino lehen formalizatutako kontratuetarako, hartzailearen (pertsona fisikoa) izena eta helbidea identifikatuko dira. Horretarako, eskueran den informazioa baliatuko da eta indarrean den araudia kontuan hartuko, batez ere, abenduaren 28ko 19/1993 Legea, kapitalen zuritzeari aurre hartzeari buruzkoa.

2.- 2004ko urtarrilaren 1etik aurrera formalizatutako kontratuetan edo kontraturik gabe egindako transakzioetan, hartzailearen (pertsona fisikoa) izen-abizenak eta helbidea identifikatuko dira, eta, horrelakorik egongo balitz, baita identifikazio fiskaleko zenbakia ere. Datu horiek pasaportetik edo nortasun agiri ofizialetik hartuko dira. Helbidea agiri horietan ez badago, hartzaileak aurkeztutako beste egiaztagiria batetik hartuko da.

Identifikazio fiskaleko zenbakia pasaportean, nortasun agirian edo hartzaileak aurkeztutako beste ezein egiaztagiritan ageri ez bada, pasaportean edo nortasun agirian adierazten diren jaiotze data eta tokia aipatuz beteko dira identifikazio datuak.

- b) Europar Batasuneko beste herrialde batean bizi den hartzailearen (pertsona fisikoa) bizitokia ondoko irizpideei jarraiki:

1.- 2004ko urtarrilaren 1a baino lehen formalizatutako kontratuetan, hartzailearen (pertsona fisikoa) bizitokia identifikatuko da. Horretarako, eskueran diren datuak baliatuko dira, Espainiako lurraldean indarrean dagoen arautegia eta, batez ere, kapitalen zuritzea saihesteko neurri batzuei buruzko abenduaren 28ko 19/1993 Legean xedatutakoa kontuan hartuta.

2.- 2004ko urtarrilaren 1etik aurrera formalizatutako kontratuetan edo kontraturik gabe egindako transakzioetan, hartzailearen (pertsona fisikoa) bizitokia pasaportean edo nortasun agiri ofizialean edo, beharrezkoa bada, aurkeztutako frogagiritako batean ageri dena izango da, hurrengo paragrafoan aurreikusitakoa gorabehera.

Pertsona fisikoek Europar Batasuneko estatu batek emandako pasaporte edo nortasun agiriren bat aurkezten dutenean eta egoitza beste estatu batean dutela aitortzen, egoitza zehazteko zerga egoitzari buruzko agirian agertzen dena hartuko da aintzat. Agiri horrek urtebeteko balioa izango du eta pertsona fisikoak zerga egoitza duen tokiko erakunde eskudunak emandakoa izango da. Halako ziurtagiririk aurkeztu ezean, aurkeztutako pasaporte edo nortasun agiri ofiziala

Europar Batasuneko zein estatutan emana den, egoitza bertan dagoela ulertuko da.

15. artikulua. Erakundeak eratu, ezarri, aldarazi edo deuseztatu izanari buruzko informazio betebeharra.

Erregistro publikoetako titularrek informazio aitortpena aurkeztu beharko diote hilero zerga Administrazioari. Bertan, aurreko hilabetean inskribatutako enpresa eraketa, ezarpen, aldarazpen edo deuseztatzeak jasoko dira.

16. artikulua. Identifikazio fiskaleko zenbakia jakinarazi ez duten edo notarioen esku hartzea duten egintza edo kontratuak jasotzen dituzten eskriturak edo dokumentuak egiterakoan erabilitako ordainketa moduak identifikatu ez dituzten pertsonen edo erakundeen buruzko informazio betebeharra.

1. Notariotzaren Kontseilu Nagusiak informazio aitortpena aurkeztu beharko dio hilero zerga Administrazioari bide telematikoa erabilia. Bertan, bertaratu diren izen-abizenak edo egintzak edo kontratuak formalizatzearen eskritura edo dokumentuak igortzerakoan ordezkari diren pertsona edo erakundeen izenak, eskritura edo dokumentu horien xedea ondasun higiezinaren gaineko jabaria eta gainerako eskubide errealak aitortu, eratu, eskuratu, eskualdatu, aldarazi edo deuseztatzea edo zerga garrantzia duen beste edozein egintza edo kontratu bada eta horietan hurrengo inguruabarrak agertzen badira:

- a) Identifikazio fiskaleko zenbakia jakinarazi ez izana.
- b) Alderdiek erabilitako ordainketa moduak identifikatu ez izana, kontraprestazio osoa edo zati bat dirua edo hura ordezkatzeko duena izan bada.

2. Informazio aitortpen bakoitza hilabetea amaitu aurretik aurkeztuko da, eta aurreko hilabetean egindako eragiketak bilduko ditu.

17. artikulua. Nekazaritzako, abeltzaintzako edo basogintzako jarduerak burutzetik eratorritako dirulaguntzen edo kalte ordainen berri eman beharra.

1. Nekazaritzako, abeltzaintzako edo basogintzako jarduerak gauzatzetik eratorritako dirulaguntzak, kalte ordainak edo laguntzak ematen edo onartzen dituzten erakunde publiko edo pribatuak behartuta egongo dira zerga Administrazioari urteko aitortpena aurkeztera, bertan aurreko urtean kitatutako edo ordaindutako kopuruak jasoz.

Erakunde emaileak egoitza Espainian ez duenean, aurreko paragrafoko betebeharra erakunde haren konturako dirulaguntzen, kalte ordainen edo laguntzen kudeaketaren ardura duen erakunde egoiliarrek bete beharko du.

2. Aitortpenean, aitortzearen identifikaziorako datuez eta aitortpenean sartutako dirulaguntzei, kalte ordainei edo laguntzei dagokienez esku hartzearen izaeraz gain, hartzaileen zerranda izenduna jaso beharko da hurrengo datuekin:

- a) Izen-abizenak, edo sozietatearen izena, edo deitura osoa, eta identifikazio fiskaleko zenbakia.

b) Kitatutako edo ordaindutako dirulaguntzaren, kalte ordainaren edo laguntzaren zenbatekoa, mota eta kontzeptua.

3. Kasuan kasuko aitorpenean sartze aldera, dirulaguntza, kalte ordain edo laguntza hauek kitatu direla ulertuko da kasuan kasuko ordainketa agindua egiten den egunean. Ordainketa agindurik ez balego, ordainketa egiten denean joko dira kitatutzat.

4. Artikulu honetan aurreikusi den aitordpena urtero aurkeztu beharko da, Ogasun, Finantza eta Aurrekontu diputatuak zehazten dituen toki, modu eta epean. Bertan, aurreko urte naturalari buruzko informazioa bildu beharko da.

18. artikulua. Gizarte aurreikuspeneko sistemei egindako ekarpenei buruzko informazioa eman beharra.

Zerga Administrazioari aitordpena aurkeztu beharko diote urtero hurrengo pertsona edo erakundeek, adierazitako edukia barne hartuz:

a) Pentsio funtsen kudeatzaile diren erakundeek; funts horietara atxikitako planen partaide direnak banaka hartuko dira, haiek egindako ekarpenen zenbatekoa bezalaxe, horiek haiek zuzenean egiten dituztenak izan, baimendutako pertsonen egindakoak izan edo aipatutako planetako sustatzaileek egindakoak izan alde batera utzita.

Letra honek aipatutako urteko aitordpena urte bakoitzeko urtarrilean aurkeztuko da eta aurreko urteari buruzkoa izango da. Aurkezpena Ogasun, Finantza eta Aurrekontu diputatuak esandako tokian eta ezarritako ereduari jarraiki egingo da. Hark aitordpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitordpena aurkezteko epea aldarazi ahalko du Foru Agindu bidez.

b) Pentsio planen sustatzaileek horietan ekarpenak egiten badituzte; ekarpenak egin zituzten partaideak banaka jasoko dira, partaide bakoitzak jarritako zenbatekoa bezalaxe.

Letra honek aipatutako urteko aitordpena urte bakoitzeko urtarrilean aurkeztuko da eta aurreko urteari buruzkoa izango da. Aurkezpena Ogasun, Finantza eta Aurrekontu diputatuak esandako tokian eta ezarritako ereduari jarraiki egingo da. Hark aitordpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitordpena aurkezteko epea aldarazi ahalko du Foru Agindu bidez.

c) (8) Europar Batasuneko beste estatu kide batean helbideratutako pentsiofuntsen, Espainian bertako legeari atxikitako enpleguko pentsio planak garatzen badituzte; bertan, funts horietara atxikitako planen partaideak banaka jasoko dira, haiek egindako ekarpenaren zenbatekoa bezalaxe, ekarpenak haiek zuzenean

egindakoak diren, baimendutako pertsonen egindakoak diren edo aipatutako plan horien sustatzaileek egindakoak diren alde batera utzita.

- d) [\(1\)](#) Pentsio konpromisoak aseguru kontratu baten bitartez (enpresen gizarte aurreikuspeneko planak salbu) antolatzen dituzten enpresek eta erakundeek; ekarpenen onuradun diren pertsonak eta bakoitzari dagokion zenbatekoa banaka sartu behar dituzte.
- e) Enpresako gizarte aurreikuspeneko planak formalizatzen dituzten aseguru erakundeek; aseguratuak banaka jasoko dira, horiei egindako ekarpenen zenbatekoa barne, horiek haiek zuzenean egindakoak izan edo plan horien hartzaileek egindakoak izan alde batera utzita.
- f) Gizarte aurreikuspeneko mutualitateek; mutualistak banaka jasoko dira bertan, haiek ordaindutako kopuruak bezalaxe. Kopuru horiek Pertsona Fisikoen Errentaren gaineko Zergaren urtarrilaren 29ko 3/2007 Foru Arauko 69.bi artikuluan eta 87.ean, eta Zazpigarren eta Zortzigarren xedapen gehigarrietan ezarritakoari jarraiki Zergaren zerga oinarrian kenkariaren xede izan daitezkeen inguruabarrak estaltzeko ordaindutakoak dira.

Letra honek aipatutako urteko aitortpena urte bakoitzeko urtarrilean aurkeztuko da eta aurreko urteari buruzkoa izango da. Aurkezpena Ogasun, Finantza eta Aurrekontu diputatuak esandako tokian eta ezarritako ereduari jarraiki egingo da. Hark aitortpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitortpena aurkezteko epea aldarazi ahalko du Foru Agindu bidez.

- g) Mendetasuneko aseguru pribatuak merkaturatzen dituzten aseguru erakundeek, zerga oinarrian kenkariaren xede izan badaitezke; hartzaileak eta primen zenbatekoa jasoko dira, horiek haiek zuzenean egindakoak izan do baimendutako pertsonen egindakoak izan alde batera utzita.
- h) Aseguratutako aurreikuspen planak merkaturatzen dituzten aseguru erakundeak; hartzaileak eta kitatutako primen zenbatekoak banaka jasoko dira.
- i) Gizarte Aurreikuspeneko Boronatezko Erakundeek urteko aitortpena aurkeztu beharko dute, banaka zerrendatuz ohiko bazkideak edo bazkide zenbakidunak nahiz ohiko bazkide horiek edo bazkide zenbakidunek nahiz bazkide babesleek egindako ekarpenen zenbatekoa.

Letra honek aipatutako urteko aitortpena urte bakoitzeko urtarrilean aurkeztuko da eta aurreko urteari buruzkoa izango da. Aurkezpena Ogasun, Finantza eta Aurrekontu diputatuak esandako tokian eta ezarritako ereduari jarraiki egingo da. Hark aitortpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitortpena aurkezteko epea aldarazi ahalko du Foru Agindu bidez.

- j) Gizarte Aurreikuspeneko Borondatezko Erakundeen bazkide babesleek, horiei ekarpenak egiten badizkiete, urteko aitortpena aurkeztu beharko dute. Bertan, ohiko bazkideak edo bazkide zenbakidunak zerrendatuko dituzte ekarpenak egin zituztenek eta baita ohiko bazkide edo bazkide zenbakidun bakoitzerako ekarritako zenbatekoa ere.

Letra honek aipatutako urteko aitortpena urte bakoitzeko urtarrilean aurkeztuko da eta aurreko urteari buruzkoa izango da. Aurkezpena Ogasun, Finantza eta Aurrekontu diputatuak esandako tokian eta ezarritako ereduari jarraiki egingo da. Hark aitortpena bide telematikotik aurkeztea nahitaezkoa zein inguruabarretan den ezarri ahalko du.

Hala eta guztiz ere, Ogasun, Finantza eta Aurrekontu diputatuak aitortpena aurkezteko epea aldarazi ahalko du Foru Agindu bidez.

19. artikulua. Ondasun higiezinekin zerikusia duten finantza eragiketei buruzko informazioa emateko betebeharra.

1. Maileguak ematen dituzten edo ematerakoan bitartekari diren erakundeek, horiek hipoteka erakoak edo beste mota batekoak izan alde batera utzita, edo ondasun higiezin bat edo ondasun higiezin baten gaineko eskubide erreal bat eskuratzerakoan beste edozein finantzazio modutan esku hartzen dutenek, informazio aitortpena aurkeztu beharko dute urtero eragiketeta horiei buruz. Bertan, hurrengo datuak bildu beharko dira:

- a) Izen-abizenak, edo sozietatearen izena, edo deitura osoa, eta mailegariaren identifikazio fiskaleko zenbakia.
- b) Sozietatearen izena edo deitura osoa, eta mailegu emaileen identifikazio fiskaleko zenbakia.
- c) Izen-abizenak, edo sozietatearen izena, edo deitura osoa, eta bitartekariaren identifikazio fiskaleko zenbakia, halakorik balego.
- d) Alderdien izen-abizenak, edo sozietatearen izena, edo deitura osoa eta identifikazio fiskaleko zenbakia, ondasun higiezinen erosketarekin edo ondasun higiezinen gaineko eskubide errealen erosketarekin zerikusi zuzena duten beste finantza eragiketetan.
- e) (1) Maileguaren edo eragiketaren guztirako zenbatekoa, eta urtean kapitalaren amortizazioagatik, korrituengatik eta gainerako finantza gastuengatik ordaindutako kopuruak.
- f) Maileguaren edo eragiketaren eraketa urtea eta iraunaldia.
- g) Eragiketaren hartzaileak higiezin hori ohiko etxebizitzarako erabiltzeko borondatea adierazi duen jakinaraztea.
- h) Katastro erreferentzia.

i) Higiezinaren tasazio balioa.

2. Artikulu honek aipatutako aitorenak jasotzen duen informazioa Ogasun, Finantza eta Aurrekontu diputatuak zehazten duen toki, modu eta epean aurkeztu beharko da.

(4) II. KAPITULUA

(4) ATZERRIAN DIREN ONDASUN ETA ESKUBIDEEN BERRI EMAN BEHARRA

20. artikulua. (4) Atzerriko finantza erakundeetan dauden kontuen berri eman beharra.

1. Arabako Lurralde Historikoan bizi diren pertsona fisikoek eta juridikoek, bertan bizi ez arren lurralde horretan kokatuta dauden pertsonen edo erakundeen establezimendu egonkorrek eta Arabako Zergen otsailaren 28ko 6/2005 Foru Arau Orokorraren 35.3 artikulua aipatzen dituen erakundeek nahitaez aurkeztu beharko dute Arabako Foru Aldundian urteko informazio aitortpena, euren titulartasuneko edo ordezkari, baimendu edo onuradun gisa dauden, edo dirua erabiltzeko ahalen bat duten, edo titular erreal diren kontu guztiei buruzkoa, hurrengo paragrafoan finkatutakoaren arabera, banku edo kreditu trafikoa aritzen diren atzerriko erakundeetan irekita badauzkate urte bakoitzeko abenduaren 31n.

Betebehar hori luzatzen zaie aitortpenaren urteko edozein momentutan kontu horien titular, ordezkari, baimendu eta onuradun izandakoei ere, bai eta horiek erabiltzeko ahalen bat eduki edo titular erreal izan direnei ere.

Ondorio horietarako, titular erreal izango da Kapitalak zuritzearen eta terrorismoaren finantzaketaren kontrako apirilaren 28ko 10/2010 Legearen 4. artikuluko 2. idatz zatian ezarritakoaren arabera, 2. idatz zati horrek aipatzen dituen pertsona edo tresnen izenean dauden kontuen titular erreala dena, atzerrian badute egoitza edo atzerrian eratu badira.

2. Hauxe izango da Arabako Foru Aldundiari eman beharreko informazioa:

- a) Banku edo kreditu erakundearen sozietatearen izena edo izen osoa, eta helbidea.
- b) Kontuen identifikazio osoa.
- c) Ireki edo itxi den data, edo baimena eman edo kendu den data, hala badagokio.
- d) Kontuen saldoak abenduaren 31n eta urteko azken hiruhilekoaren batez besteko saldoa.

Eman beharreko informazioa hauexei dagokie: kontu korrante, aurrezki kontu, eperako ezarpen, kreditu kontu eta beste edozein kontu edo diru gordailuei, horien modalitatea edo izena edozein dela, ordainsaririk ez egon arren.

3. Kontuen saldoei, abenduaren 31n, eta urteko azken hiruhilekoaren batez besteko saldoari buruzko informazioa aurkeztu beharko du kontu horien titular, ordezkari, baimendu edo onuradunak, edo kontu horiek erabiltzeko ahalen bat duenak edo data horretan titular erreal denak.

Gainerako titular, ordezkari, baimendu edo onuradunek, edo kontu horiek erabiltzeko ahalen bat dutenek edo titular errealek jarri beharko dute kontuaren saldoa kontu horien dena delakoa izateari utzi zioten egunekoa.

4. Artikulu honetan jasotzen den informazioa eman beharra ez zaie aplikatuko ondoko kontuei:

- a) Horien titularrak badira sozietateen gaineko zergari buruzko uztailaren 5eko 24/1996 Foru Arauko 9. artikuluan aipatzen diren erakundeak.
- b) Horien titularrak badira Araban bizi diren pertsona juridiko eta gainerako erakundeak eta ez egoiliarren establezimendu egonkorak, kontabilitatean banaka erregistratuta eta irekita daudeneko zenbaki, kreditu erakunde eta sukurtsalarekin eta kokatuta dauden herrialde edo lurraldearekin identifikatuta.
- c) Horien titularrak badira Araban bizi diren pertsona fisikoak, baldin eta jarduera ekonomiko bat egiten badute eta horien kontabilitatea merkataritzaren kodean xedatutakoaren arabera bada, kontabilitateko dokumentazio horretan banaka erregistratuta eta irekita daudeneko zenbaki, kreditu erakunde eta sukurtsalarekin eta kokatuta dauden herrialde edo lurraldearekin identifikatuta.
- d) Horien titularrak badira Araban bizi diren pertsona fisiko, juridiko eta gainerako erakundeak, baldin eta Espainian helbidea duten atzerriko kreditu erakundeetan irekita badaude, eta erakunde horiek horien aitortua egin beharra badute foru dekretu honen 2. artikuluan jasotakoa betetz, betiere aitortu ahal izan badira kontua dagoen herrialdearen araudiaren arabera.
- e) Ez da kontuaren berri eman behar, artikulu honetako 2. idatz zatiko d) letran aipatzen diren saldoek (abenduaren 31n) batuta ez badute gainditzen 50.000 euroak. Idatz zati berean aipatzen diren batez besteko saldoei gauza bera aplikatuko zaie. Goi muga batu horiek gaindituz gero, kontu guztien berri eman beharra egongo da.

5. Hurrengo urteetako aitortua aurkeztu beharra egongo da baldin eta 4. idatz zatiko e) letran aipatzen diren saldo batuetako edozeinek 20.000 euro baino gehiagoko gehikuntza izan badu azken aitortua aurkeztu beharra ekarri zutenen aldean.

Edonola ere, aitortua aurkeztu beharra egongo da artikulu honetako 3. idatz zatiko azken paragrafoan aurreikusitako kasuetan, bertan aipatzen diren kontuekiko.

Ogasun, Finantza eta Aurrekontu Saileko foru diputatuak onartu egingo ditu horretarako aurkeztu beharko den aitortuaren eredu bat, aurkezteko lekua eta epea eta, hala behar izanez gero, zein kasutan eta baldintza bete beharko den, ordenagailuz edo bide telematikoen bidez zuzenean irakur daitekeen euskarriz.

6. Arabako Zergen otsailaren 28ko 6/2005 Foru Arau Orokorraren hemeretzigarren xedapen gehigarrian xedatutakoaren ondorioetarako, datu multzo desberdinak izango dira aurreko 2. idatz zatiko a) eta b) letretan aipatzen diren informazioak, erakunde eta kontu bakoitzerako, hurrenez hurren.

Ondorio berberetarako, datua izango da aurreko 2. idatz zatiko c) eta d) letretan aipatzen diren data eta saldoak, baita aurreko 3. idatz zatiko azken paragrafoan aipatzen den saldoa ere”.

21. artikulua. (4) Atzerrian gordailutu, kudeatu edo lortutako balore, eskubide, aseguru eta errenten berri eman beharra.

1. Arabako Lurralde Historikoan bizi diren pertsona fisikoek eta juridikoek, bertan bizi ez arren lurralde horretan kokatuta dauden pertsonen edo erakundeen establezimendu egonkorrek eta Arabako Zergen otsailaren 28ko 6/2005 Foru Arau Orokorraren 35.3 artikulua aipatzen dituen erakundeek aurkeztu beharko dute Arabako Foru Aldundian urteko informazio aitortpena, atzerrian dituzten ondoko ondasun eta eskubideena, baldin eta urte bakoitzeko abenduaren 31n horien titular badira edo titular erreal badira Kapitalak zurtzearen eta terrorismoaren finantzaketaren kontrako apirilaren 28ko 10/2010 Legearen 4. artikuluko 2. idatz zatian ezarritakoaren arabera:

- a) Edozein motatako erakunde juridikoen partaidetza adierazten duten balore edo eskubideak.
- b) Kapital propioak hirugarrenei laga izana adierazten duten baloreak.
- c) Edozein tresna juridikori, kudeatu edo administratu ditzan, emandako baloreak; baita nortasun juridikorik eduki ez arren ekonomia trafikoan jardun ahal duten fideikomisoak eta "trust" edo ondare multzoak ere.

2. Informazio aitortpenak datu hauek jaso beharko ditu:

- a) Erakunde juridikoaren, hirugarrenaren-lagatzaillearen sozietatearen izena edo izen osoa edo tresnaren edo harreman juridikoaren identifikazioa, kasuan zein den, eta helbidea.
- b) Erakunde juridikoen kapitalaren edo funts propioen balore eta eskubide adierazgarrien saldoa, urte bakoitzeko abenduaren 31n.

Informazioak titular deneko akzio eta partaidetzen kopurua eta mota jasoko ditu, bai eta balioa ere.

- c) Kapital propioak hirugarrenei laga izana adierazten duten baloreen saldoa abenduaren 31n.

Informazioak titular deneko baloreen kopurua eta mota jasoko ditu, bai eta balioa ere.

- d) Kasuan kasuko tresna juridikoari ekarritako baloreen saldoa abenduaren 31n.

Informazioak ekarritako baloreen kopurua eta mota jasoko ditu, bai eta balioa ere.

Informazioa eman beharra luzatzen zaio dagokion aitoreneko urteko edozein momentutan aurreko b), c) eta d) letretan aipatzen diren balore eta eskubideen titular edo titular erreal izandako zergapeko orori baldin eta horrelakoa izateari utzi badio urte horretako abenduaren 31n. Kasu hauetan, eman beharreko informazioa uzte hori gertatu zen datari egokituko zaio.

3. Aurreko 1. idatz zatian aipatzen diren zergapekoek Arabako Foru Aldundiari informazioa aurkeztu beharko diote urteko aitorenaren bidez, atzerriko inbertsio kolektiboko erakunde baten kapital sozialeko edo ondare funts propioetako akzioena edo partaidetza baldin eta horien titular badira edo titular erreal badira Kapitalak zuritzaaren eta terrorismoaren finantzaketaren kontrako apirilaren 28ko 10/2010 Legearen 4. artikuluko 2. idatz zatian ezarritakoaren arabera.

Informazioak jaso beharko ditu inbertsio kolektiboko erakundearen sozietatearen izena edo izen osoa eta helbidea, bai eta akzio eta partaidetza kopurua eta mota eta, hala behar izanez gero, zein konpartimentutakoak diren, eta horien likidazio balioa abenduaren 31n.

Idatz zati honetan arautzen den informazioa eman beharra luzatzen zaio dagokion aitoreneko urteko edozein momentutan akzio eta partaidetza titular edo titular erreal izandako zergapeko orori baldin eta horrelakoa izateari utzi badio urte horretako abenduaren 31n. Kasu hauetan, eman beharreko informazioa uzte hori gertatu zen datari egokituko zaio.

4. Aurreko 1. idatz zatiak aipatzen dituen zergapekoek hauei buruzko urteko informazio aitorenaren aurkeztu beharko dute Arabako Foru Aldundian:

- a) Urte bakoitzeko abenduaren 31n jasotzaile diren bizi edo baliaezintasun aseguruak, aseguru etxea atzerrian badago. Egun horretan duten erreskate balioa ere adierazi beharko dute.
- b) Abenduaren 31n onuradun diren aldi baterako edo biziarteko errentak, horien jatorria bada atzerrian dauden erakundeei eman izana kapitala dirutan, eduki ekonomikoko eskubideak edo ondasun higigarri edo higiezinak. Egun horretan duten kapitalizazio balioa ere adierazi beharko dute.

Aurreko a) eta b) letretan aipatutako kasuetan, aseguru etxea identifikatu beharko da, adierazita sozietatearen izena edo izen osoa eta helbidea.

5. Artikulu honetan jasotzen den informazioa eman beharra ez da bete beharko ondoko kasuetan:

- a) Zergapekoa Sozietateen gaineko zergari buruzko uztailaren 5eko 24/1996 Foru Arauko 9. artikuluan aipatzen diren erakundeetako bat bada.
- b) Zergapekoa Araban bizi den pertsona juridikoa edo erakundea bada edo ez egoiliarren establezimendu egonkorra bada, eta bere kontabilitatean banaka baditu

erregistratuta artikulu honetan aipatzen diren balore, eskubide, aseguru eta errentak.

c) Aurreko 2. idatz zatiko b), c) eta d) letrak aipatzen dituzten baloreak, 3. idatz zatiak aipatzen duen likidazio balioa, 4. idatz zatiko a) letrak aipatzen duen erreskate balioa eta 4. idatz zatiko b) letrak aipatzen duen kapitalizazio balioa ez badira batuta 50.000 euro baino gehiago. Goi muga batu hori gaindituz gero, titulu, aktibo, balore, eskubide, aseguru edo errenta guztien berri eman beharra egongo da.

6. Hurrengo urteetako aitortpena aurkeztu beharra egongo da baldin eta 5. idatz zatiko c) letran aipatzen diren balore guztien balio batuak 20.000 euro baino gehiagoko gehikuntza izan badu azken aitortpena aurkeztu beharra ekarri zuenaren aldean.

Nahitaezko izango da aitortpena aurkeztea 2. idatz zatiko azken paragrafoan eta 3. idatz zatiko azken paragrafoan aipatutako kasuetan, hain zuzen, balore, eskubide, akzio eta partaidetzei dagokiena, abenduaren 31n galdu bada horien titulartasuna.

Ogasun, Finantza eta Aurrekontu Saileko foru diputatuak onartu egingo ditu horretarako aurkeztu beharko den aitortpen eredu bat, aurkezteko lekua eta epea eta, hala behar izanez gero, zein kasutan eta baldintza bete beharko den, ordenagailuz edo bide telematikoen bidez zuzenean irakur daitekeen euskarriz.

7. [\(5\)](#) Martxoaren 11ko 9/2013 Foru Arauak, ondarearen gaineko zergarenak, araututakoaren arabera kalkulatuta jakinaraziko dira artikulu honen paragrafoek aztergai dituzten balorazioak. Horiek horrela, ez da aplikatuko foru arau horren 18.1.2 artikuluan xedatutakoa, kontabilitateak ondarearen, finantza egoeraren eta partaidetutako erakundearen emaitzen irudi zuzena islatzen duenean.

8. Arabako Zergen otsailaren 28ko 6/2005 Foru Arau Orokorren hemeretzigarren xedapen gehigarrian xedatutakoaren ondorioetarako, datu multzo dira aurreko 2. idatz zatiko a) letran eta 3. eta 4. idatz zatietan aipatzen diren erakunde juridiko, hirugarren-lagatzaille, tresna edo harreman juridiko, inbertsio kolektiboko erakunde eta aseguru etxeen identifikaziokoak eta helbideak.

Ondorio berberetarako, datua izango da artikulu honetako aurreko idatz zatietan ondare elementu banakatu mota bakoitzerako eskatutako informazioa, ondoan azaltzen denaren arabera:

- a) 2. idatz zatiko b) letran, akzio eta partaidetza mota bakoitzeko.
- b) 2. idatz zatiko c) letran, balore mota bakoitzeko.
- c) 2. idatz zatiko d) letran, balore mota bakoitzeko.
- d) 3. idatz zatian, akzio eta partaidetza mota bakoitzeko.
- e) 4. idatz zatiko a) letran, bizi aseguru bakoitzeko.
- f) 4. idatz zatiko b) letran, aldi baterako edo biziarteko errenta bakoitzeko.

Datua ere izango da 2. idatz zatiko eta 3. idatz zatiko azken paragrafoan aipatzen diren saldoak, balore mota bakoitzeko eta akzio eta partaidetza mota bakoitzeko, hurrenez hurren”.

22. artikulua. (4) Atzerriko ondasun higiezinaren eta ondasun higiezinaren gaineko eskubideen berri eman beharra.

1. Arabako Lurralde Historikoan bizi diren pertsona fisikoek eta juridikoek, bertan bizi ez arren lurralde horretan kokatuta dauden pertsonen edo erakundearen establezimendu egonkorrek eta Arabako Zergen otsailaren 28ko 6/2005 Foru Arau Orokorraren 35.3 artikulua aipatzen dituen erakundeek aurkeztu beharra izango dute Arabako Foru Aldundian urteko informazio aitorpena, atzerrian dituzten ondasun higiezinaren eta ondasun higiezinaren gaineko eskubideena, baldin eta urte bakoitzeko abenduaren 31n horien titular badira edo titular erreal badira Kapitalak zuritzearen eta terrorismoaren finantzaketaren kontrako apirilaren 28ko 10/2010 Legearen 4. artikuluko 2. idatz zatian ezarritakoaren arabera.

2. Informazio aitorpenak datu hauek jasotzeko behar dituzte:

- a) Ondasun higiezinaren identifikazioa, tipologia azalduta laburki.
- b) Ondasun higiezinaren kokapena: herrialdea edo lurraldea, herria, kalea eta zenbakia.
- c) Erosketa data.
- d) Erosketa balioa.

3. Atzerriko ondasun higiezinaren gainean jabetza anitzeko kontratuen bitartez, txandakako aprobetxamenduz, aldi baterako jabetza kontratuen bitartez edo antzeko formulen bitartez izanez gero titularra, aurreko idatz zatiko a) eta b) letretan aipatutako informazioaz gain, eskubide horiek noiz eskuratu ziren jasotzeko behar da, bai eta horien balioa ere abenduaren 31n, ondarearen gaineko zergari buruzko martxoaren 11ko 9/2013 Foru Arauan finkatutako balorazio arauen arabera kalkulatu.

4. Atzerriko ondasun higiezinaren gaineko erabiltzeko eta gozatzeko eskubide errealak eta jabetza soila izanez gero, aurreko 2. idatz zatiko a) eta b) letretan aipatutako informazioaz gain, titulartasun hori noiz eskuratu zen jasotzeko behar da, bai eta horren balioa ere abenduaren 31n, ondarearen gaineko zergari buruzko martxoaren 11ko 9/2013 Foru Arauan finkatutako balorazio arauen arabera kalkulatu.

5. Artikulu honetan arautzen den informazioa eman beharra luzatzen zaio aurreko 1. idatz zatian aipatzen denaren arabera dagokion aitorpeneko urteko edozein momentutan ondasun higiezinaren edo eskubidearen titular edo titular erreal izandako zergapeko orori baldin eta horrelakoa izateari utzi badio urte horretako abenduaren 31n. Kasu hauetan, aurreko 2. idatz zatian aipatzen diren datuez gain, informazio aitorpenak ondasun higiezinaren edo eskubidearen eskualdatze balioa eta horren data jasotzeko behar dituzte.

6. Artikulu honetan jasotzen den informazioa eman beharra ez zaie aplikatuko atzerriko ondoko ondasun higieinei edo ondasun higiezin gainerako eskubideei:

- a) Horien titularrak sozietateen gainerako zergari buruzko uztailaren 5eko 24/1996 Foru Arauaren 9. artikuluan aipatzen diren erakundeak badira.
- b) Horien titularrak Araban bizi diren pertsona juridikoak eta gainerako erakundeak eta ez egoiliarren establezimendu egonkorrak badira, kontabilitatean banaka erregistratuta eta nahiko identifikatuta.
- c) Horien titularrak Araban bizi diren pertsona fisikoak badira, eta jarduera ekonomiko bat egin eta horien kontabilitatea merkataritzaren kodean xedatutakoaren arabera bada, kontularitzako dokumentazio horretan banaka erregistratuta eta nahiko identifikatuta.
- d) Ez da ondasun higiezin edo ondasun higiezin gainerako eskubidearen berri eman beharra izango, artikulu honetako 2. idatz zatiko d) letrak eta 3. eta 4. idatz zatiek aipatutako baloreak ez badira batuta 50.000 euro baino gehiago. Goi muga batu hori gaindituz gero, ondasun higiezin eta ondasun higiezin gainerako eskubide guztien berri eman beharra egongo da.

7. Hurrengo urteetako aitorpena aurkeztu beharra egongo da baldin eta aurreko 6. idatz zatiko d) letran aipatzen den balio batuak 20.000 euro baino gehiagoko gehikuntza izan badu azken aitorpena aurkeztu beharra ekarri zuenaren aldean.

Nahitaezko izango da aitorpena aurkeztea 5. idatz zatian aipatutako kasuetan, hain zuzen, ondasun higieinei eta eskubideei dagokiena, abenduaren 31n galdu bada horien titulartasuna.

Ogasun, Finantza eta Aurrekontu Saileko foru diputatuak onartu egingo ditu horretarako aurkeztu beharko den aitorpen eredu bat, aurkezteko lekua eta epea eta, hala behar izanez gero, zein kasutan eta baldintza bete beharko den, ordenagailuz edo bide telematikoen bidez zuzenean irakur daitekeen euskarriz.

8. Arabako Zergen otsailaren 28ko 6/2005 Foru Arau Orokorren hemeretzigarren xedapen gehigarrian xedatutakoaren ondorioetarako, datu multzo dira artikulu honetako 2. idatz zatiko a) eta b) letratan aipatzen diren informazioak, idatz zati horretan aipatzen diren ondasun higiezinetakako bakoitzari, eta aurreko 3. eta 4. idatz zatietan aipatzen diren eskubideak dituzten ondasun higiezinetakako bakoitzari dagokionez.

Ondorio berberetarako, datua izango dira ondoko hauek:

- a) 2. idatz zatiko c) eta d) letrak aipatzen dituzten datak eta balioak, ondasun higiezin bakoitzari dagokionez.
- b) 3. idatz zatiak aipatzen dituen datak eta balioak, eskubide bakoitzari dagokionez.
- c) 4. idatz zatiak aipatzen dituen datak eta balioak, eskubide bakoitzari dagokionez.

- d) 5. idatz zatiak aipatzen dituen eskualdatze datak eta balioak, ondasun higiezin bakoitzari dagokionez.”

23. artikulua. (4) Atzerrian kokatuta dauden, edo matrikulatuta edo bertako erregistroetan dauden ondasun higigarrien eta ondasun higigarrien gaineko eskubideen berri eman beharra.

1. Arabako Lurralde Historikoan bizi diren pertsona fisikoek eta juridikoek, bertan bizi ez arren lurralde horretan kokatuta dauden pertsonen edo erakundeen establezimendu egonkorrek eta Arabako Zergen otsailaren 28ko 6/2005 Foru Arau Orokorraren 35.3 artikulua aipatzen dituen erakundeek aurkeztu beharko dute Arabako Foru Aldundian urteko informazio aitortpena, ondoko ondasun eta eskubideena, baldin eta urte bakoitzeko abenduaren 31n horien titular badira edo titular erreal badira Kapitalak zuritzearen eta terrorismoaren finantzaketaren kontrako apirilaren 28ko 10/2010 Legearen

4. artikuluko 2. idatz zatian ezarritakoaren arabera:

- a) Ondasun higigarriak eta horien gaineko eskubideak, horien unitate balioa 50.000 euro baino gehiago bada eta atzerrian badaude edo egon badira.
- b) Ondasun higigarriak eta horien gaineko eskubideak, atzerrian badaude matrikulatuta edo erregistratuta.

2. Informazio aitortpenak datu hauek jaso beharko ditu:

- a) Ondasun higigarriaren identifikazioa, tipologia azalduta laburki.
- b) Ondasun higigarriaren kokapena: herrialdea edo lurraldea.
- c) Inskribatuta edo matrikulatuta dagoen erregistroa: inskribatuta edo matrikulatuta dagoen erregistroa eta herrialdea edo lurraldea.
- d) Erosketa data.
- e) Erosketa balioa.

3. Atzerriko ondasun higigarrien gaineko erabiltzeko eta gozatzeko eskubide errealak eta jabetza soila izanez gero, aurreko 2. idatz zatiko a), b) eta c) letretan aipatutako informazioaz gain, titulartasun hori noiz eskuratu zen jaso beharko da, bai eta horren balioa ere abenduaren 31n, ondarearen gaineko zergari buruzko martxoaren 11ko 9/2013 Foru Arauan finkatutako balorazio arauen arabera kalkulatuta.

4. Artikulu honetan arautzen den informazioa eman beharra luzatzen zaio aurreko 1. idatz zatian aipatzen denaren arabera dagokion aitortpeneko urteko edozein momentutan ondasun higigarriaren edo eskubidearen titular edo titular erreal izandako zergapeko orori baldin eta horrelakoa izateari utzi badio urte horretako abenduaren 31n. Kasu hauetan, 2. idatz zatian aipatzen diren datuez gain, informazio aitortpenak ondasun higigarriaren edo eskubidearen eskualdatze balioa eta horren data jaso beharko ditu.

5. Artikulu honetan jasotzen den informazioa eman beharra ez zaie aplikatuko atzerrian dauden edo atzerriko herrialdeetan matrikulatuta edo bertako erregistroetan dauden ondoko ondasun higigarriei edo ondasun higigarrien gaineko eskubideei:

- a) Horien titularrak sozietateen gaineko zergari buruzko uztailaren 5eko 24/1996 Foru Arauaren 9. artikuluan aipatzen diren erakundeak badira.
- b) Horien titularrak Araban bizi diren pertsona juridikoak eta gainerako erakundeak eta ez egoiliarren establezimendu egonkorrak badira, kontabilitatean banaka erregistratuta eta nahiko identifikatuta.
- c) Horien titularrak Araban bizi diren pertsona fisikoak badira, eta jarduera ekonomiko bat egin eta horien kontabilitatea merkataritzaren kodean xedatutakoaren arabera bada, kontularitzako dokumentazio horretan banaka erregistratuta eta nahiko identifikatuta.
- d) Ez da ondasun higigarrien edo ondasun higigarrien gaineko eskubidearen berri eman beharra izango, 2. idatz zatiko e) letrak eta 3. idatz zatiak aipatutako balioak ez badira banaka 50.000 euro baino gehiago.

6. Hurrengo urteetako aitorpena aurkeztu beharra egongo da baldin eta aurreko 5. idatz zatiko d) letran aipatzen den balio batuak 20.000 euro baino gehiagoko gehikuntza izan badu azken aitorpena aurkeztu beharra ekarri zuenaren aldean.

Nahitaezko izango da aitorpena aurkeztea 4. idatz zatian aipatutako kasuetan, hain zuzen, ondasun higigarriei eta eskubideei dagokiena, abenduaren 31n galdu bada horien titulartasuna.

Ogasun, Finantza eta Aurrekontu Saileko foru diputatuak onartu egingo ditu horretarako aurkeztu beharko den aitorten eredu bat, aurkezteko lekua eta epea eta, hala behar izanez gero, zein kasutan eta baldintza bete beharko den, ordenagailuz edo bide telematikoen bidez zuzenean irakur daitekeen euskarriz.

7. Arabako Zergen otsailaren 28ko 6/2005 Foru Arau Orokorren hemeretzigarren xedapen gehigarrian xedatutakoaren ondorioetarako, datu multzo dira aurreko 2. idatz zatiko a), b) eta c) letretan aipatzen diren informazioak, idatz zati horretan aipatzen diren ondasun higigarrietako bakoitzari, eta aurreko 3. idatz zatian aipatzen diren eskubideak dituzten ondasun higigarri bakoitzari dagokionez.

Ondorio berberetarako, datua izango dira ondoko hauek:

- a) Aurreko 2. idatz zatiko d) eta e) letrek aipatzen dituzten data eta balioak, ondasun higigarri bakoitzari dagokionez.
- b) 3. idatz zatiak aipatzen dituen datak eta balioak, eskubide bakoitzari dagokionez.
- c) 4. idatz zatiak aipatzen dituen eskualdatze datak eta balioak, ondasun higigarri bakoitzari dagokionez.

III. KAPITULUA (7)

BESTELAKO INFORMAZIO BETEBEHARRAK

24. artikulua. (7) Hiri finkak alokatzeari buruz informatzeko betebeharra

Euskal Autonomia Erkidegoko Administrazio Nagusiak urteko informazio aitorten bat aurkeztu beharko du, Euskal Autonomia Erkidegoko Hiri Finken Alokairu Kontratuen Erregistroan jasotako datuei eta fidantza jartzeari dagokienez, martxoaren 15eko 42/2016 Dekretuan ezarritakoarekin bat etorriz, Fidantzak jartzeari eta Euskal Autonomia Erkidegoko Hiri Finken Errentamendu Kontratuen Erregistroari buruzkoa.

Zehazki, aitorpenean, besteak beste, alokatutako ondasun higiezinaren identifikazio datuak agertu beharko dira, jarritako fidantza datuekin, errentari eta errentatzaileen zerrenda izendunarekin batera, baita kasuan kasuko erredua onartzeko foru aginduak zehaztutako bestelako informazioarekin ere.

25. artikulua. (10) Turismo erabilerarako etxebizitzaren lagapenaren berri emateko beharra.

1. Hurrengo apartatuan ezarritakoaren arabera turismo erabilerarako etxebizitzaren lagatzaileen eta lagapen-hartzaileen artean bitartekaritza egiten duten pertsona eta entitateek, aldizka, haien bitartekaritzaren gaia diren lagapenei buruzko informazio aitortpena aurkeztu beharko dute.

2. Artikulu honetan aurreikusitako informazio aitortpenerako bakarrik, turismo erabilerarako etxebizitzat hartzen dira Eusko Legebiltzarraren uztailaren 28ko 13/2016 Legeak (Turismo Legea) 53. artikuluko 1. apartatuan ezartzen dituenak, bai eta 13/2016 Lege beraren 54. artikuluko 1. apartatuan ezartzen diren turismo erabilerarako etxebizitza partikularretako geletan ostatatzea ere.

Kontzeptu horretatik kanpo daude etxebizitza errentamenduak, azaroaren 29ko 29/1994 Legean (Hiri Errentamendua) edo horren ordezkotzat araudian definituta dauden bezala, lege arau beraren 8. artikuluan adierazten den etxebizitza azpierrentamendu partziala eta ondasun higiezinaren txandakako aprobetxamendurako eskubidea.

3. Bitartekaritza hartuko dira aurreko apartatuan adierazten den erabileraren lagatzailearen eta lagapen-hartzailearen artean bitartekaritza zerbitzua ematen duten pertsona edo entitate guztiak, dohainik nahiz kostu bidez egiten dutela.

Bereziki, halakotzat hartuko dira elkarlaneko plataforma bezala eraturik, aurreko apartatuan adierazten den erabileraren lagapenean bitartekaritza egiten duten pertsona edo entitate guztiak, baldin eta informazio gizarteko zerbitzu emaitzat jotzen badira uztailaren 11ko 34/2002 Legean (Gizarte Informazioko Zerbitzua eta Merkataritza Elektronikoa) adierazten denaren arabera, bitartekaritzaren gaia den azpiko zerbitzua eman nahiz ez eman, eta lagatzaileei eta lagapen-hartzaileei

baldintzak ezartzen zaizkiela ere (hala nola prezioa, aseguruak, epeak edo bestelako kontratu baldintzak).

4. Informazio aitorenak datu hauek jaso beharko ditu:

a) Turismo erabilerarako lagatako etxebizitzaren titularraren identifikazioa, baita etxebizitza turismo erabilerarako lagatzen den eskubidearen titularrarena ere, berbera ez izatekotan.

Identifikazioa izen-deiturekin, sozietatearen izenaz edo izen osoaz eta identifikazio fiskaleko zenbakiaz egingo da, edo dagokion aitoren eredu onesten duen foru aginduan ezarritakoaren arabera.

Horretarako, lagatzen den eskubidearen titulartzat hartuko dira turismo erabilerarako lagatako etxebizitzaren jabetza eskubidearen, multijabetza kontratuen, denbora partzialeko jabetzaren edo antzeko formulen, errentamenduaren, berrerrentamenduaren edo beste edozein erabilera edo gozamen eskubideren titularrak, azken batean etxebizitza horren erabileraren lagatzaile direnak.

b) Higiezinaren identifikazioa, katastro erreferentzia edo zenbaki finkoa adierazita, dagokion aitoren eredu onesten duen foru aginduan ezarritakoaren arabera.

c) Pertsona edo entitate lagatzaileen identifikazioa, baita ere zenbat egunez gozatuko den etxebizitza turismo erabilerarako.

Identifikazioa izen-deiturekin, sozietatearen izenaz edo izen osoaz eta identifikazio fiskaleko zenbakiaz egingo da, edo dagokion aitoren eredu onesten duen foru aginduan ezarritakoaren arabera.

Horretarako, etxebizitza turismo erabilerarako lagatzen dutenek gorde beharko dute aurretik adierazi den zerbitzua erabiltzen duten pertsonen identifikazio agiriaren kopia.

d) Eskubidea lagatzen duen titularrak etxebizitza turismo erabilerarako lagatzeko zerbitzuaren truke jasotako zenbatekoa edo, hala badagokio, haren doakotasunaren adierazpena.

5. Ogasun, Finantza eta Aurrekontu Saileko foru diputatuaren agindu bidez, onetsiko dira dagokion aitoren eredu, aurkezteko modua, epea eta tokia, eta xedapen hau betetzeko garrantzia duen beste edozein xehetasun.

XEDAPEN GEHIGARRIAK

Lehenengoa. Merkatu antolatuetan negoziatutako edozein erakunderen funts propioetako partaidetzaren balio adierazgarriak.

Bat. Merkatu antolatuetan negoziatutako edozein erakunderen kapital sozialaren edo funts propioen akzio eta partaidetzak, salbu inbertsio kolektiboko erakundeei

dagozkienak, urte bakoitzeko laugarren hiruhilekoaren batez besteko negoziazio balioaren arabera konputatuko dira.

Eragin horietarako, administrazio eskudunak merkatu antolatuetan negoziatzen diren baloreen zerranda argitaratuko du urtero, urteko laugarren hiruhilekoari dagokion batez besteko kotizazioarekin.

Bi. Antolatutako merkatuetan kotizatzen diren erakunde juridikoek igorritako eta oraindik kotizazio ofizialerako onartu gabeko akzio berrien harpidetzaren kasuan, harpidetzako epealdiaren barruan titulu zaharrekin egindako azken negoziazioko balioa hartuko da akzio horien baliotzat.

Hiru. Ordaintzeko dauden kapital zabalkuntzen kasuan, akzioen balioespena aurreko araei jarraituz egingo da, erabat ordainduta baleude bezalaxe, ordaintzeko dagoen zatia subjektu pasiboaren zor bezala sartuz.

Bigarrena. Bizi aseguruak eta aldi baterako edo biziarteko errentak.

Bat. Bizi aseguruak Zerga sortzen den unean horiek duten erreskate balioa gorabehera zenbatuko dira.

Bi. Aldi baterako errentak edo biziarteko errentak, kapitala dirutan, ondasun higigarritan edo higiezinetan ematearen ondorioz sortu direnean, Zerga sortzen den datan duten kapitalizazio balioaren arabera zenbatu behar dira, pentsioak eratzeko Ondare Eskualdaketa eta Egintza Juridiko Dokumentatuen Zergan adierazi diren arau berak aplikatuz.

XEDAPEN INDARGABETZAILEA

Indargabeturik gelditu dira foru dekretu honetan ezarritakoaren kontra doazen maila bereko edo beheragoko mailako xedapenak.

AZKEN XEDAPENAK

Lehenengoa. Arauak emateko ahalmena.

Ogasun, Finantza eta Aurrekontu Saileko foru diputatuari ahalmena ematen zaio foru dekretu hau garatzeko eta aurrera eramateko behar diren xedapen guztiak emateko.

Bigarrena. Indarrean jartzea.

Foru dekretu hau Arabako Lurralde Historikoaren Aldizkari Ofizialean argitaratu eta hurrengo egunean jarriko da indarrean.

(3) "1. eranskina, finantza kontu, eragiketa eta aktiboen berri eman beharra arautzen duen abenduaren 23ko Diputatuen Kontseiluaren 111/2008 Foru Dekretuarena.

Finantza kontu, eragiketa eta aktiboen berri eman beharra arautzen duen abenduaren 23ko Diputatuen Kontseiluaren 111/2008 Foru Dekretuaren 9. artikuluko 3., 4. eta 5. idatz zatiei dagokien aitortpenaren eredia.

Izena:, Identifikazio Fiskaleko Zenbakia (1):, (erakunde aitortzailea)ren izenean eta ordeztuz:, Identifikazio Fiskaleko Zenbakia (1): eta helbidea:, honako hau izanik (markatu egokia dena):

(a) Idazpenetako zor publikoaren merkatuko erakunde kudeatzailea.

(b) Atzerrian egoitza duen balioen konpentsazio eta likidazio sistemen erakunde kudeatzailea.

(c) Espainian egoitza duten balioen konpentsazio eta likidazio erakundeetan hirugarrenen kontura balioak mantentzen dituzten erakundeak.

(d) Jaulkitzaileak izendatutako ordainketa agentea.

Aitortpen hau egiten du, bere erregistroetan jasotzen diren datuen arabera:

1. Bederatzigarren artikuluko 3. eta 4. idatz zatiei dagokienez:

1.1 Balioen identifikazioa

1.2 Etekinak ordaintzeko eguna (edo itzultzeko, deskontuan edo bananduta jaulkitako balioak badira)

1.3 Etekinen zenbatekoa, guztira (edo itzultzekoa, guztira, edonola ere, deskontuan edo bananduta jaulkitako balioak badira)

1.4 Pertsona Fisikoen Errentaren gaineko Zergaren zergadunei dagozkien eteकिनen zenbatekoa, salbu eta banandutako kupoiak eta banandutako printzipalak, horien ordainketan erakunde kudeatzaile batek parte hartzen duenean.....

1.5 Bederatzigarren artikuluko 2. idatz zatiaren arabera osorik ordaindu behar diren eteकिनen zenbatekoa (edo itzultzekoa, guztira, deskontuan edo bananduta jaulkitako balioak badira).

2. Bederatzigarren artikuluko 5. idatz zatiari dagokionez.

2.1 Balioen identifikazioa

2.2 Etekinak ordaintzeko eguna (edo itzultzeko, deskontuan edo bananduta jaulkitako balioak badira)

2.3 Etekinen zenbatekoa, guztira (edo itzultzekoa, guztira, edonola ere, deskontuan edo bananduta jaulkitako balioak badira)

2.4 Atzerrian egoitza duen balioen konpentsazio eta likidazio sistemen A erakunde kudeatzaileari dagokion zenbatekoa.

2.5 Atzerrian egoitza duen balioen konpentsazio eta likidazio sistemen B erakunde kudeatzaileari dagokion zenbatekoa.

2.6 Atzerrian egoitza duen balioen konpentsazio eta likidazio sistemen C erakunde kudeatzaileari dagokion zenbatekoa.

Eta hauxe aitortzen dut.....(e)n, 2012ko.....aren.....(e)(a)n.

(1) Establezimendu iraunkorrik ez duten pertsona, fisiko zein juridiko, ez-egoiliarren kasuan, bizi diren herrialdearen arabera dagokien zenbakia edo kodea jarriko da.”

OHARRAK

- (1) 14/2010 Foru Dekretua, apirilaren 10ekoa.
(ALHAO, 46. zk., 10-4-30ekoa)
- (2) 45/2010 Foru Dekretua, irailaren 28koa.
(ALHAO, 115. zk., 10-10-8koa)
- (3) 8/2012 Foru Dekretua, otsailaren 11koa.
(ALHAO, 24. zk., 12-2-27koa).
- (4) 34/2013 Foru Dekretua, urriaren 18koa.
(ALHAO, 119. zk., 13-10-16koa)
- (5) 5/2014 Foru Dekretua, otsailaren 11koa.
(ALHAO, 20. zk., 14-2-19koa)
- (6) 9/2015 Foru Dekretua, martxoaren 10ekoa.
(ALHAO, 33. zk., 15-3-18koa)
- (7) 56/2017 Foru Dekretua, abenduaren 5ekoa.
(ALHAO, 141. zk., 17-12-13koa)
- (8) 59/2018 Foru Dekretua, azaroaren 27koa.
(ALHAO, 140. zk., 18-12-5ekoa)
- (9) 60/2018 Foru Dekretua, abenduaren 11koa.

(ALHAO, 146. zk., 18-12-19koa)

(10) 30/2019 Foru Dekretua, ekainaren 11koa.
(ALHAO, 71. zk., 19-06-19koa)

(11) 34/2019 Foru Dekretua, uztailaren 23koa.
(ALHAO, 88. zk., 19-07-31koa)